

LISTA DI NUMBER DI EMERGENSIA

- 911 Polis
- 911 Brantwer
- 912 Ambulans
- 913 Wardakosta
- 0800-1234 e number aki lo ser aktivá den kaso di un krísis òf kalamidat pa suministrá informashon na e pueblo di Kòrsou.
- 97.9 FM ta bira e radio di emergensia den momentu di un krísis òf kalamidat.

Nota e numbernan aki den bo telefòn òf un kaminda den bo kas ku ta visibel!



DIREKTORADO DI KONTRÒL DI RIESGO & MANEHO PA KALAMIDAT (DRR)

Direktorado di Kontròl di Riesgo & Maneho pa Kalamidat (DRR) ta e direktorado den ministerio di Asuntunan General, ku ta duna atenshon na tur lokual mester pa garantisá i salbuardiá na un manera efektivu i efisiente, bida, kontinuidat sosial, medio ambiente i vienes di pais Kòrsou, promé, durante i despues di un krísis òf kalamidat. DRR ta enkargá k'e responsabilidad pa apliká e lei pa kalamidat, Landsverordening Rampenbestrijding.

Pa mas informashon di Directie Risicobeheersing & Rampenbeleid bishita e wèpsait www.kalamidat.cw òf Facebook: **RisicobeheersingCuracao**.

Download e app '**Kalamidat**' komplementamente grátis den App store òf Google play.

Pa mas informashon di servisio Meteorológiko bishita e wèpsait www.meteo.cw òf Facebook: **Meteorological Department Curacao**.

Download e app di servisio Meteorológiko '**Curacao Weather App**' komplementamente grátis den App store òf Google play.



Pa bo propio protekshon, bo famia, bo interesnan i bo bario: Download bo App, wak riba nos paginá di Facebook òf bishita nos wèpsait, lesa den buki di telefòn pa bo ta debidamente informá i pa ta prepará!



MINISTERIO DI
ASUNTUNAN GENERAL
DIREKTORADO DI KONTRÒL DI RIESGO & MANEHO PA KALAMIDAT

INFORMASHON TOKANTE ORKAN

Un siklon tropikal ta un sistema ku formá dor di nubianan di bos i welek organisá, ta drai rònt di su as, i tin un sirkulashon será na nivel abou i ta forma riba oséano tropikal òf sup tropikal. Un orkan ta un siklon tropikal ku bien-tunan máksimo sostené di mas ku 119 km pa ora. Oséano Atlántiko i Caribe su temporada di orkan ta kuminsá 1 di yüni i ta terminá 30 di novèmber.



DURANTE MAL TEMPU:

- Ora tin mal tempu ta rekomendabel pa keda paden i sigui radio, televishon òf www.kalamidat.cw
- No sali kaya òf subi laman si a deskonsehá esaki.
- Si tòg pa un motibu òf otro bo mester sali for di kas, bai ku sufisiente kuminda, awa, deken, èkstra paña pa bisti i bo telefon selular bon kargá.
- Te kaminda bo mes por, trata na resolvé kualke daño promé ku yama timnan di reskate. Esaki ta evitá ku e liña di emergensia ta keda okupá konstantemente loke por stroba esnan den mas nesesisidat.

LOKUAL ABO POR HASI PROMÉ I DURANTE DI MAL TEMPU

PROMÉ KU MAL TEMPU:

- Sòru pa semper bo kas i bo kura ta den bon kondishon, sin ku opheto los òf palu ku por hasi daño na bo kas ora di mal tempu.
- Semper tin un pakete di emergensia den bo kas.
- Palabrá ku kada persona ku ta biba den bo kas kon boso mes plan di emergensia ta hinká den otro; splika muchanan tambe kiko por sosodé na un manera komprendibel pa nan
- Keda vigilá e boletin di pronóstiko di tempu via radio, televishon, www.kalamidat.cw òf via e app di Kalamidat
- Sòru pa bo tin bo telefon selular semper kargá

TIN DIFERENTE KONDISHON KU MESTER TA PRESENTE PA UN SIKLON TROPICAL POR FORMA. ÈSAKINAN TA:

- Laman kayente (por lo ménos 27°C) te sierto profundidat;
- Atmósfera instabil;
- Bientunan relativamente suak den nivelnan mas haltu di atmósfera i;
- Un disturbio den nivel ku ya kaba ta eksistí manera por ehèmpel un ola tropikal;


LOKUAL GOBIÈRNU TA HASI



Efektonan di un orkan por ta grave pa bo kas si bo no tuma prekoushon. Gobièrnu tin un Direktorado di Kontrol di Riesgo i Maneho pa Kalamidat instalá, kaminda tur instansia i servisio nesinario sa kiko pa hasi ora tin peliger, durante i despues di un orkan. E representantenan di e organisashon aki ta reuní regularmente, ta sigui desaroyonan lokal i internashonal i ta yuda avisá gobièrnu tokante e pasonan ku mester tuma.



Gobièrnu ta prepará lugánan pa keda (shèlter) pa esnan ku ta kore peliger den nan mes kas. Tambe gobièrnu ta duna informashon i den kaso di orkan, ta alarmá tokante e gravedat di e orkan. Pero ta bo mes tin e obligashon di informá bo mes i bo famia delantá i tuma e prekoushonnan nesario den kaso di orkan.




Organisashon pa Kontrol di Desaster

Kòrsou

Prevení, Prepará, Protehá

RAMPENBESTRIJDINGSORGANISATIE

Rampenbestrijdingsorganisatie (RBo) ta e organisashon na Kòrsou ku ta enkargá ku e kordinashon di un krisis òf kalamidat i alabes ta sòru pa mitiga e efektonan ku esaki por tin.

E RBo ta konsistí di 9 Emergency Support Functions (ESF) ku ta diferente organisashon ku ta traha huntu pa mitiga e efektonan ku un krisis òf kalamidat por tin.

E ESF'S TA SER REPARTÍ DEN:

- ESF 1: Awa i Energia (Aqualectra)
- ESF 2: Telekomunikashon (BT&P)
- ESF 3: Obranen Públiko (UOOW)
- ESF 4: Reskate i Seguridat (Brantwer)
- ESF 5: Òrden Públiko (Polis)
- ESF 6: Salubridat Públiko (Ambulans)
- ESF 7: Asuntunan Sosial (Min. SOAW/Shèlter)
- ESF 8: Komunikashon (DC&V)
- ESF 9: Asuntunan Públiko (WJZ/Min. AZ)

E ORGANISASHONAN KU TA AFILIÁ NA E RBO TA:

Douane	Meteo
Rode Kruis	Ouderenhulp
Imigrashon	ABC busbedrijf
Warda Kosta	Koepelorganisaties
GIS4C (Geografische informatie)	SEHOS
Citro	Sentro di barionan
Boluntario den e 'Emergency Operation Center'	Media
Koninklijke Marine	Lokalidat di shèlter
Sektor Turistiko e.o. CHATA i CTB	CPA/CPO
OM	Schoolbesturen
Skuchami i Slachtofferhulp	HATO